

Meriahkan FIESKOM 2014 UTHM

Utusan
12/12/2014
m/s: 9

PERTANDINGAN debat, pertandingan kawad kaki, pertandingan bola jaring dan bola tampar, program *Tangisan Al-Aqsa*, klinik ping pong, karnival hoki, malam kebudayaan dan ekspo adalah antara pengisian menarik sepanjang berlangsung Fiesta Kokurikulum Mahasiswa 2014 (FIESKOM) anjuran Universiti Tun Hussein Onn Malaysia (UTHM) yang bermula semalam hingga 18 Disember ini di sekitar pusat pengajian tinggi itu.

Program FIESKOM 2014 ini merupakan acara tahunan selama seminggu itu dikendalikan oleh Pusat Kokurikulum UTHM adalah suatu aktiviti kokurikulum bersepadu yang menggabungkan

kesemua teras yang ditawarkan institusi itu menekankan aspek pembangunan kemahiran insaniah kepada setiap mahasiswa.

Lantaran itu, program-program yang dirancang sebagai acara kemuncak bagi pelaksanaan Hari Kokurikulum setiap tahun ini telah melibatkan keseluruhan warga UTHM dengan Pusat Kokurikulum.

Penganjuran FIESKOM 2014 dirancang untuk memberi pendedahan kepada mahasiswa menghayati pembangunan modal insan yang menggariskan tujuh elemen kemahiran insaniah sebagai panduan kelak bergelar siswazah.

Setiap acara yang dilaksanakan, melibatkan kesemua warga pelajar UTHM

bagi melengkapkan lagi konsep 1Malaysia, sekali gus memantapkan elemen kemahiran insaniah.

Objektif penganjuran FIESKOM 2014 ialah sebagai platform untuk semua mahasiswa UTHM mempraktikkan kemahiran dan pengetahuan yang diperolehi.

Ia juga diharap dapat melahirkan mahasiswa yang prihatin dan bersedia memberikan khidmat kepada masyarakat setempat menerusi kemahiran dan pengalaman yang dimiliki selain pencapaian akademik yang cemerlang.

Orang ramai, terutamanya penduduk sekitar Kluang dijemput bersama-sama memeriahkan FIESKOM 2014.

